

Nova verzija, novembar 2022.

STATUT

Islamske zajednice Stuttgart e.V.

Kesselstraße 27

70327 Stuttgart

E-Mail: info@igstuttgart.de

Statut Islamske zajednice Stuttgart e.V.

Sadržaj

Preambula	3
Član 1. Naziv i sjedište	4
Član 2. Ciljevi i svrha džemata	4
Član 3. Općedruštvena korist	6
Član 4. Članstvo	6
Član 5. Obaveze i prava člana	7
Član 6. Prestanak članstva	9
Član 7. Članarina	10
Član 8. Organi udruženja, odnosno džemata	10
Član 9. Izbor organa	10
Član 10. Džematska skupština	11
Član 11. Džematski odbor	13
Član 12. Razrješenje članova Džematskog odbora	16
Član 13. Revizori	17
Član 14. Nadzorni odbor	17
Član 15. Zadaci i prava Nadzornog odbora	18
Član 16. Vijeće za povjerenje	19
Član 17. Članstva džemata	20
Član 18. Imam	21
Član 19. Religijsko vijeće	21
Član 20. Imovina džemata	22
Član 21. Usluge i naknade	23
Član 22. Uvjeti po pitanju poslovnih knjiga džemata i zaštita podataka	23
Član 23. Izmjene Statuta i pravilnika	24
Član 24. Likvidacija džemata	25
Član 25. Završne odredbe	26
Član 26. Stupanje na snagu Statuta	26

Preambula

„Islamska zajednica Stuttgart e.V.“ je lokalni džemat, odnosno lokalno udruženje Islamske zajednice Bošnjaka u Njemačkoj i dio Islamske zajednice Bošnjaka u Njemačkoj – Centralno vijeće e.V. državnog udruženja.

„Islamska zajednica Stuttgart e.V.“ je zajednica Bošnjaka i drugih muslimana koji je prihvataju kao svoju. Duhovno je vezana za Islamsku zajednicu u Bosni i Hercegovini. Vjerski poglavar je reisu-l-ulema (poglavar učenjaka) u Sarajevu.

Islamska zajednica u Bosni i Hercegovini je konstituisana 1882. godine kao samostalna vjerska zajednica u okviru Austro-Ugarske Monarhije. Posvećena je univerzalnim i islamskim vrijednostima i djeluje u duhu pluralističkog suživota.

Članovi džemata ispovijedaju islamsku sunitku vjeru. Pod krovom Islamske zajednice Bošnjaka u Njemačkoj – Centralno vijeće e.V. saveznog udruženja i njegovih regionalnih vijeća, odnosno državnih udruženja, oni žele da promovišu i praktikuju svoju vjeru te daju svoj doprinos dobrobiti društva. Unutar islamskih pravnih škola, oni slijede sunitsko-hanefijsko učenje i praksu, pri čemu se ostala sunitka tumačenja i smjernice priznaju kao ravnopravne i valjane.

U prakticiranju svoje vjere, oni slijede sunitsko-hanefijsko učenje i islamsku tradiciju Bošnjaka. Zalažu se da svi ljudi imaju sredstva za život koja će im omogućiti slobodan lični, fizički, vjerski i kulturni razvoj.

Oni priznaju pluralističko i demokratsko društvo koje se temelji na slobodnom demokratskom osnovnom poretku Savezne Republike Njemačke.

Osnova za djelovanje zajednice je islamsko učenje, kodificirano u Kuranu i sunetu, u okviru Temeljnog zakona, Ustava Baden-Württemberga te važećih zakona Savezne Republike Njemačke, kao i Konvencije za zaštitu ljudskih prava.

Član 1. Naziv i sjedište

1.1 Džemat nosi naziv „Islamische Gemeinschaft Stuttgart e.V.“ („*Islamska zajednica Stuttgart e.V.*“).

1.2 Sjedište džemata je u Stuttgartu. Džemat je upisan u registar udruženja kod Općinskog suda Stuttgart pod brojem VR-4972.

1.3 Poslovna godina džemata je kalendarska godina.

Član 2. Ciljevi i svrha džemata

2.1 Džemat djeluje isključivo i neposredno u društveno-korisne i dobrotvorne svrhe u smislu odredbe „Porezno povlaštene svrhe“ Poreznog zakona. Temelj za ciljeve i svrhu džemata je islamsko, sunitsko - hanefijsko vjersko učenje. Odabir sredstava i troškova džemata podliježu, dakle, zadacima i svrhama islamskog učenja u okviru slobodnog demokratskog osnovnog poretka Savezne Republike Njemačke.

2.2 Svrha džemata je promicanje i praktikovanje islamske vjere, promicanje umjetnosti i kulture, promicanje odgoja i narodnog obrazovanja, skrb za mlade i pružanje pomoći osobama kojima je pomoć potrebna.

2.3 Promicanje islamske vjere ostvaruje se kroz izgradnju i održavanje džamija i islamskih džematskih centara, obavljanje molitve petkom i vjerskih obreda, obrazovanje i usavršavanje imama, izvođenje vjerske nastave (mekteba) za djecu i mlade, provođenje ceremonije dženaze, priprema za hodočašća, obilježavanje islamskih praznika, održavanje kontakata između članova džemata, promicanje dijaloga sa neislamskim vjerskim zajednicama, kao i općenito promicanje vjerskog života u džematu.

Promicanje odgoja i narodnog obrazovanja ostvaruje se kroz ponudu čuvanja i podučavanja djece u okviru i u obliku dječijeg vrtića. Promocija umjetnosti i kulture ostvaruje se posredstvom kulture, jezika i povijesti Bošnjaka kroz međureligijske konferencije, obuke i informativne događaje.

2.4 Gosti džemata iz zemlje i inostranstva primaju se prema uobičajenim protokolima i isti se na određeno vrijeme mogu smjestiti u odgovarajućim prostorijama.

2.5 Promicanje dobrotvornih svrha ostvaruje se kroz pružanje pomoći osobama kojima je pomoć potrebna, a koje ispunjavaju uvjete iz člana 53. Poreznog zakona. Svrha Statuta ostvaruje se kroz preuzimanje troškova za neophodno medicinsko liječenje i dostojanstven ukop – ukoliko su osigurana namjenska sredstva za to.

2.6 Osim toga, svrha džemata je promicanje društvene participacije i zastupanje interesa članova na lokalnom nivou kroz saradnju Džematskog odbora sa gradskim vlastima, institucijama, drugim islamskim džematima, centrima i organizacijama.

2.7 Promicanje skrbi za mlade ostvaruje se kroz uspostavu savremenog rada sa djecom i mladima u okviru islamskih vrijednosti, kroz ciljane programe, kao što su savjeti za roditelje, djecu i mlade, organizacija i podrška omladinskim grupama, pomoć pri izradi domaćih zadaća, aktivnosti u slobodno vrijeme i slične ponude. U tu svrhu, džemat može donijeti poseban pravilnik o mladima.

2.8 Pod uvjetima iz člana 58. br. 1. Poreznog zakona, džemat može dodijeliti sredstva nekoj drugoj korporaciji ili pravnom licu javnog prava za ostvarivanje porezno povlaštenih svrha.

2.9 U cilju promovisanja integracije, džemat priređuje i organizuje dane susreta, obilaske džamija, kao i dane otvorenih vrata. Također se realizuju posjete relevantnim institucijama i historijskim mjestima.

2.10 U cilju promovisanja vjere i obrazovanja svojih članova, džemat organizuje kurseve za usavršavanje, vodi biblioteku koja je dostupna članovima te organizuje obrazovna putovanja za svoje članove.

2.11 Kako bi ostvario navedene svrhe, džemat zapošljava imame, vjeroučitelje i pedagoške stručnjake. Ostvarivanje svrha Statuta može se realizovati i preko pomoćnika koji su vezani uputama u smislu člana 57. Poreznog zakona.

Član 3. Općedruštvena korist

3.1 Džemat djeluje nesebično; u prvoj liniji ne slijedi komercijalne svrhe.

3.2 Sredstva džemata mogu se koristiti samo u statutarne svrhe. Članovi ne primaju nikakvu novčanu pomoć iz sredstava džemata.

3.3 Nije dozvoljeno da bilo koja osoba bude u povlaštenom položaju kroz izdatke koji su strani svrsi džemata niti kroz isplaćivanje nerazmjerno visokih naknada. Svi članovi Džematskog odbora i vijeća u načelu rade volonterski.

3.4 Ako poslovi koji nastanu premašuju razumnu granicu volonterskog rada, može se angažovati neophodno osoblje. Međutim, tom osoblju se ne smije odobriti nerazmjerno visoka naknada.

Član 4. Članstvo

4.1 Džemat ima redovne i počasne članove.

4.2 Svaka fizička osoba islamske sunitske vjere koja je punoljetna u smislu Građanskog zakonika i koja je spremna da promiče statutarne ciljeve i svrhe džemata, slijedi ostale odredbe Statuta i redovno i tačno, na kraju mjeseca ili godine, plaća članarinu koju je odredila Džematska skupština prema Pravilniku o naknadama, može postati redovni član. Redovni članovi su ujedno i članovi Islamske zajednice Bošnjaka u Njemačkoj – Centralnog vijeća e.V. državnog i saveznog krovnog udruženja.

4.3 Nosilac članstva jedne porodice je otac, odnosno majka ili drugi zakonski skrbnik.

4.4 Svakoj punoljetnoj i zaposlenoj osobi koja je do punoljetnosti imala porodično članstvo prema stavu 4.2, potrebno je samostalno članstvo u džematu kako bi mogla ostvarivati prava i obaveze.

4.5 Članstvo se stiče podnošenjem zahtjeva za prijem. O zahtjevu za prijem odlučuje Džematski odbor u roku od četiri sedmice. Džematski odbor može odbiti zahtjev za prijem bez daljnjih obrazloženja. Odbijanje zahtjeva mora biti u pisanom obliku. Neodgovoreni zahtjevi se nakon isteka roka smatraju prihvaćenim.

4.6 Počasni članovi su članovi koje Džematski odbor imenuje počasnim članovima zbog njihovih iznimnih zasluga i postignuća za džemat.

4.7 Počasni članovi mogu biti i osobe neislamske vjere.

4.8 Broj počasnih članova nije ograničen. Oni su oslobođeni plaćanja članarine.

4.9 Uplata doprinosa džematu bez prethodnog redovnog prijema u džemat ili novčana potpora nakon uredno provedenog isključenja iz članstva ne predstavljaju temelj za ostvarivanje prava kao člana. Takvi doprinosi se knjiže kao ostale donacije za džemat.

Član 5. Obaveze i prava člana

5.1 Obaveze člana su:

- a. Članovi se trebaju suzdržati od činjenja svega onoga što bi moglo ugroziti ugled i svrhu džemata.
- b. Članovi su dužni da se pridržavaju Statuta udruženja i odluka organa džemata.
- c. Poznavanje i poštivanje statutarnih ciljeva i svrha te pridržavanje kućnog reda.
- d. Poštivanje slobodnog demokratskog osnovnog poretka Savezne Republike Njemačke.
- e. Poštivati ugled i jedinstvo Islamske zajednice Bošnjaka.
- f. Poštivanje islamskih vrijednosti, normi i tradicija u skladu sa ovim Statutom.
- g. Plaćati članarinu u punom iznosu i na vrijeme najkasnije na kraju mjeseca, odnosno na kraju godine.
- h. Izmjene relevantnih podataka, kao što su adresa, bračno stanje, broj telefona, e-mail adresa moraju se pravovremeno prijaviti nadležnim tijelima u džematu.
- i. Članovi su dužni da se redovno informišu o životu džemata putem oglasne ploče džemata.

- j. j. Članovi, s vremena na vrijeme, prisustvuju hutbi petkom kako bi se na taj način informisali o aktuelnim događanjima u džematu.

5.2 Prava člana su:

a. Svaki redovni član ima pravo da učestvuje u donošenju odluka u džematu podnošenjem zahtjeva Džematskom odboru, diskusijom i pravom glasa na Džematskoj skupštini. Svaki redovni član ima jedan glas. Prenos prava glasa dozvoljen je samo uz pisanu punomoć na bračnog druga koji je naveden u popisu članova. Redovni članovi mogu prenijeti vlastito pravo glasa izdavanjem punomoći na bračnog druga sa samostalnim redovnim članstvom. U tom slučaju izborna komisija uručuje dva glasačka listića.

b. Oni imaju pravo na podučavanje islamske vjere.

c. Oni imaju pravo na korištenje objekata i imovine džemata u cilju obavljanja vjerskih dužnosti u okviru važećih propisa, kao i na učestvovanje u manifestacijama džemata.

d. Oni imaju pravo na adekvatnu i pravovremenu informaciju o radu organa džemata.

e. Oni imaju pravo da se obrate organima Islamske zajednice radi zaštite vjerskih prava.

f. Svi članovi porodice redovnog člana (supruga, odnosno suprug i djeca do 18 godina) imaju iste obaveze i prava, osim prava glasa i prava biranja.

g. Nakon smrti, preminuli član ima pravo na islamsko pranje mrtvaca i klanjanje dženaza-namaza. Pranje mrtvaca se vrši sa najvećom pažnjom i u skladu sa sunetom.

h. Svaki član ima pravo da džemat prihvati članarinu ponuđenu na plaćanje i da je knjiži kao takvu.

i. Mogu se birati samo redovni članovi.

j. Svaki član ima pravo na informaciju o vlastitim podacima pohranjenim u džematu.

Član 6. Prestanak članstva

6.1 Članstvo prestaje istupanjem, smrću ili isključenjem. Istupanje iz članstva se pismeno izjavljuje Džematskom odboru.

6.2 Članstvo miruje u slučaju da je član dužan dvanaest mjesečnih članarina i da ih nije platio ni nakon pismene opomene u ostavljenom roku od četiri sedmice. Članstvo u džematu prestaje nakon 18 mjeseci kašnjenja s plaćanjem članarine. Nakon toga, ponovni ulazak u džemat je moguć samo putem novog prijema (član 4. Sticanje članstva). Biračka prava stečena do trenutka isključenja prestaju sa isključenjem i moraju se ponovo steći, uz uvažavanje statutarnih rokova.

6.3 Ponovljeni postupci koji su u suprotnosti sa važećim zakonima ili ponovljena ozbiljna kršenja obaveza opisanih u stavu 5.1. a-f Statuta, odnosno postupci koji predstavljaju ponašanje koje je štetno za džemat su važni razlozi koji mogu dovesti do isključenja iz džemata ili imati za posljedicu disciplinske mjere, kao što je zabrana pristupa ili slično.

6.4 Džematski odbor odlučuje o isključenju člana iz članstva u džematu nakon razgovora sa dotičnim članom. Ukoliko se član ne pojavi nakon prvog poziva na sastanak, niti odgovori na drugi poziv, odluka će se donijeti i bez ovog razgovora. Odluka mora biti pismeno obrazložena i dostavljena članu. Odluka stupa na snagu danom objave.

6.5 Član može uložiti prigovor Džematskom odboru protiv odluke u tekstualnom obliku u roku od četiri sedmice od dana dostave. Prigovor pretvara odluku u privremenu odluku o isključenju, o kojoj konačnu odluku donosi sljedeća Džematska skupština.

6.6 Džematski odbor je dužan da osigura da sljedeća Džematska skupština koja slijedi nakon prigovora sadrži odgovarajuću tačku dnevnog reda i da se na nju pozove privremeno isključeni član, kako bi svoj slučaj i uloženi prigovor objasnio Džematskoj skupštini. Ako privremeno isključeni član ne pristupi Džematskoj skupštini iako je uredno pozvan, Džematska skupština može odlučivati i u odsutnosti.

6.7 U slučaju da Džematska skupština odbije privremeno isključenje, dotična osoba je ponovno član džemata. U slučaju da privremeno isključenje bude potvrđeno, dotična osoba može podnijeti novi zahtjev za članstvo tek nakon isteka roka od pet godina.

Član 7. Članarina

7.1 Džemat prikuplja članarinu koju utvrđuje Džematska skupština u okviru Poslovnika, odnosno Pravilnika o članarini.

7.2 Članarine mogu uzeti u obzir finansijske prilike članova. Džematski odbor odlučuje o oslobađanju od plaćanja ili smanjenju iznosa članarine nekog člana nakon što dotični član dostavi dokumente koje zahtijeva Džematski odbor.

Član 8. Organi udruženja, odnosno džemata

8.1 Organi džemata su:

- Džematska skupština (član 10)
- Džematski odbor (član 11)
- Revizori (član 13)
- Nadzorni odbor (član 14)
- Vijeće za povjerenje (član 16)

Član 9. Izbor organa

9.1 Džematski odbor se bira tajnim glasanjem. Svi ostali organi se biraju aklamacijom. Pri tome su dopušteni blokovski izbori za izbor Džematskog odbora. Članovi prije izbornog procesa aklamacijom odlučuju da li se trebaju provesti pojedinačni ili blokovski izbori.

9.2 Džematska skupština bira između svojih članova izbornu komisiju koja se sastoji od tri člana. Članovi izborne komisije ne mogu biti birani u Džematski odbor.

9.3 Daljnju provedbu izbora u džematu regulišu Pravilnik o skupštini i izborima koji je izradio Džematski odbor i dogovorio sa Nadzornim odborom.

Član 10. Džematska skupština

10.1 Džematska skupština predstavlja najviši organ džemata. Priprema i sazivanje Džematske skupštine je u nadležnosti Džematskog odbora. Ista se sastaje redovno i vanredno.

10.2 Redovna Džematska skupština se saziva u tekstualnom obliku najmanje jednom godišnje, na neradni dan u prvom kvartalu godine, na osnovu odluke i poziva Džematskog odbora.

10.3 Džematska skupština se sastoji od svih redovnih i počasnih članova.

10.4 Pravo biranja ima svaki član čije je neprekidno trajanje članstva duže od šest mjeseci.

10.5 Samo članovi sa stalnim trajanjem članstva od najmanje dvije godine mogu se kandidovati za Džematski odbor (stav 11.4 slova b, d–g). Za izbor prvog predsjednika u obzir dolaze samo osobe čije trajanje članstva u džematu iznosi najmanje pet godina neprekidno.

10.6 Ne dovodeći u pitanje tačke u stavu 10.8. - stav 10.9, Džematsku skupštinu saziva Džematski odbor sa rokom od dvije sedmice. Poziv se sačinjava u tekstualnom obliku, uz navođenje dnevnog reda i uključivanje Nadzornog odbora u skladu sa stavom 15.6. Tekstualni oblik je ispoštovan i u slučaju telekomunikacijskog prenosa.

10.7 Obavezno se mora voditi računa o posebnostima i odredbama Poslovnika i Pravilnika o skupštini i izborima.

10.8 Ukoliko poziv za Džematsku skupštinu sadrži jednu od sljedećih tačaka dnevnog reda:

- Izbor Džematskog odbora,
- Naknadni izbor upražnjenih mjesta u Džematskom odboru ili
- Razrješenje i ponovni izbor Džematskog odbora, odnosno članova Džematskog odbora,

članovi se pozivaju da se prijave za pozicije u Džematskom odboru pojedinačno ili u bloku, odnosno da se kandiduju za upražnjena mjesta.

10.9 Za postupak izbora Džematskog odbora vrijede sljedeći rokovi: Osam sedmica prije datuma izbora, članovi se obavještavaju o predstojećim izborima i vrstama izbora te se pozivaju da se kandiduju. Rok za podnošenje kandidatura za izbor ili za kandidaturu za poziciju u Džematskom odboru iznosi četiri sedmice od objave.

Informacije o predstojećim tačkama dnevnog reda prema stavu 10.8. i povezanim rokovima ne dostavljaju se u pisanom obliku, nego telekomunikacijskim putem.

10.10 Džematski odbor je dužan da na prikladan način u džematu javno istakne i objavi izborne liste u roku od dvije sedmice nakon isteka roka za objavljivanje izbornih lista.

10.11 Džematsku skupštinu saziva Džematski odbor u roku od dvije sedmice. Poziv se šalje u tekstualnom obliku, uz navođenje dnevnog reda. Tekstualni oblik je ispoštovan i u slučaju telekomunikacijskog prenosa.

10.12 Džematski odbor predlaže voditelja skupštine i zapisničara. Džematska skupština odlučuje o prijedlogu. Ona može imenovati druge osobe na tu poziciju, ali oni obavezno moraju biti članovi džemata.

10.13 Džematski odbor je dužan da sazove vanrednu Džematsku skupštinu ako to pisanim putem, uz navođenje razloga, zatraži najmanje jedna desetina redovnih članova. Ako se zahtjevu ne udovolji, Općinski sud može ovlastiti članove koji su podnijeli zahtjev da sazovu skupštinu i izdaju naredbe o predsjedanju skupštinom. Nadležan je Općinski sud koji vodi registar udruženja za okrug u kojem džemat ima sjedište. Prilikom sazivanja skupštine potrebno je pozvati se na ovlaštenje.

10.14 Džematska skupština ima kvorum bez obzira na broj prisutnih članova. Odluke se donose prostom većinom glasova. Jednaki broj glasova se smatra odbijanjem. Nevažeci glasovi, odnosno suzdržani glasovi se ne računaju. Džematska skupština može se održati i digitalnim putem.

10.15 Tačka dnevnog reda „Rasprava o radu Džematskog odbora“ mora se obraditi prije tačke dnevnog reda Rasterećenje Džematskog odbora.

10.16 O Džematskoj skupštini se mora voditi zapisnik koji potpisuju voditelj skupštine i zapisničar.

10.17 Obaveze Skupštine društva su:

- Izbor Džematskog odbora, revizora, Nadzornog odbora i Vijeća za povjerenje
- Imenovanje i opoziv pojedinih članova Džematskog odbora ili cijelog Džematskog odbora

- Odobranje budžeta i planova rada Džematskog odbora za narednu godinu
- Prihvatanje izvještaja o radu i finansijskog izvještaja Džematskog odbora te donošenje odluke o rasterećenju istog
- Određivanje iznosa članarine
- Davanje saglasnosti na odluke o izmjenama Statuta i drugih pravilnika koje izrađuje Džematski odbor i predlaže Džematskoj skupštini radi stupanja na snagu
- Donošenje odluke o likvidaciji džemata
- Davanje uputa i smjernica za rad Džematskog odbora
- Donošenje odluke o eventualnim zahtjevima za isključenje
- Donošenje odluke o isplati naknada za članove, članove Džematskog odbora i članove organa džemata (član 13, 14. i 16) u okviru člana 3. broj 26a. Zakona o porezu na dohodak
- Donošenje odluka o svim pravilnicima koji podliježu klasi zaštite 2 (vidi stav 23.6)

Član 11. Džematski odbor

11.1 Džematski odbor je odgovoran je za upravljanje džematom. Isti je nadležan za sve poslove koji statutom nisu povjereni nekom drugom organu. U njegovo područje djelovanja spadaju naročito sljedeći poslovi:

- Sazivanje redovne i vanredne Džematske skupštine, sama priprema Džematske skupštine i provedba odluka Džematske skupštine;
- Izrada nacrt budžeta za narednu poslovnu godinu, kao i sastavljanje godišnjeg izvještaja i završnog obračuna;
- Pravilno upravljanje i korištenje imovine džemata;
- Prijava promjena u registru udruženja;
- Odluka o prijemu u džemat, isključenju, odnosno privremenom isključenju, kao i prestanku članstava;

- Izrada anketa o temama relevantnim za džemat u svrhu donošenja odgovarajućih propisa unutar džemata, koje se dostavljaju svim članovima.

Analiza se saopćava članovima džemata. Anketa, uključujući i analizu, se čuva na uvid članovima džemata na period od tri mjeseca;

- Redovna informativna događanja za članove;
- Osnivanje posebnih odjela, odnosno odsjeka i radnih grupa;
- Davanje ovlaštenja bilo kojim članovima Džematskog odbora ili redovnim članovima da upravljaju jednim ili više odjela i opoziv tog ovlaštenja. Za svaku od ovih radnih grupa Džematski odbor donosi Pravilnik o radu i prati rad;
- Osim toga, svi zadaci i poslovi Džematskog odbora koji su navedeni u Građanskom zakoniku i Zakonu o udruženjima;
- Izbor predstavnika džemata u predstavničkoj skupštini državnog i saveznog krovnog udruženja IGBD e.V., kao i slanje drugih delegata i određivanje kontakt osoba u džematu za razne institucije, gremije i kooperacijske partnere.

11.2 Preciznija raspodjela zadataka unutar Džematskog odbora zapisana je u Poslovniku Džematskog odbora koji donosi Džematski odbor.

11.3 Džematski odbor bira Džematska skupština. Mandat traje četiri godine. Član može biti ponovo izabran na poziciju prvog predsjednika samo jednom. To ne utiče na kandidovanje za druge pozicije u Džematskom odboru. Imam džemata je član Džematskog odbora po položaju i ne podliježe proceduri izbora.

11.4 Džematski odbor se sastoji od:

- a. prvog predsjednika
- b. drugog predsjednika
- c. imama
- d. referenta za finansije
- e. zapisničara
- f. knjigovođe

g. još četiri člana (zamjenski članovi)

11.5 Članovi iz stava 11.4 su rukovodstvo Džematskog odbora u smislu člana 26. Građanskog zakonika i ovlašteni su da pravno zastupaju džemat. Nije dozvoljeno da se zauzima više pozicija u Džematskom odboru.

11.6 Sjednicu Džematskog odbora saziva i vodi prvi predsjednik. Ako on nije prisutan, sjednicu saziva i vodi drugi predsjednik. Džematski odbor može i Poslovníkom urediti vođenje sjednica.

11.7 Za kvorum Džematskog odbora potrebna je prisutnost više od polovine članova Džematskog odbora u smislu člana 26. Građanskog zakonika (stav 11.5) i jednog od dvojice predsjednika. Imam mora biti prisutan za teološka pitanja.

11.8 Džematski odbor odlučuje prostom većinom datih glasova.

11.9 Odluke Džematskog odbora bilježe se u zapisnik koji potpisuju voditelj sjednice i zapisničar. Zapisnici se dostavljaju i članovima Nadzornog odbora.

11.10 Svaki član Džematskog odbora ima jedan glas. Suzdržani glasovi se ne računaju. U slučaju izjednačenog broja glasova odlučuje glas prvog predsjednika.

11.11 Džematski odbor se sastaje po potrebi, a najmanje jednom mjesečno. Džematski odbor je ovlašten da u cilju obavljanja svojih zadataka imenuje odbore i referente.

11.12 Prvi predsjednik sam zastupa udruženje.

11.13 Uz stav 11.12, svaki drugi član Džematskog odbora je u skladu sa stavom 11.4 slova b, d–g Statuta ovlašten da zastupa zajedno sa još jednim članom Džematskog odbora u skladu sa stavom 11.4 slova b, d – g ako za to postoji ovlaštenje u pisanom obliku na osnovu odluke Džematskog odbora.

11.14 Džematski odbor će ostati na dužnosti dok se ne formira novi Džematski odbor. Članovi Džematskog odbora koji prijevremeno istupaju, s izuzetkom prvog predsjednika Džematskog odbora, bit će zamijenjeni zamjenskim članovima Džematskog odbora do sljedeće Džematske skupštine.

11.15 Ostavka prvog predsjednika Džematskog odbora se rješava tako što drugi predsjednik prelazi na upražnjenu poziciju do sljedeće Džematske skupštine.

11.16 Pozicije u Džematskom odboru koje su privremeno zauzeli zamjenski članovi bit će naknadno izabrane ili potvrđene na sljedećoj Džematskoj skupštini za preostali period trajanja prvobitnog mandata. Zamjenski članovi preuzimaju nove pozicije ili se vraćaju na svoje prethodne pozicije.

11.17 Ako pet ili više članova Džematskog odbora prijevremeno podnese ostavku, Džematska skupština treba izabrati novi Džematski odbor u roku od osam sedmica. U slučaju takvih vanredno zakazanih izbora za Džematski odbor, mandat traje četiri godine od sljedećeg prvog kvartala u godini u skladu sa propisima redovne Džematske skupštine.

11.18 Kod odluka o poslovima u kojima pojedini članovi Džematskog odbora lično učestvuju, bilo direktno ili indirektno, isti se izuzimaju od glasanja. Osobe na koje se ovo odnosi dužne su da ovu pristrasnost svojevrijem prijave predsjedniku. U slučaju sumnje, Džematski odbor odlučuje o isključenju zbog pristrasnosti.

11.19 Izabrani nosilac mandata se u potpunosti treba zauzimati za interese džemata i u slučaju da postoje sukobi interesa, iste treba prijaviti Džematskom odboru. Kako bi se smanjile takve situacije i izbjegla pristrasnost, braćni parovi ili bliski rođaci ne smiju istovremeno biti članovi Džematskog odbora. Isti propis vrijedi i za zaposlenike u džematu.

11.20 Džematski odbor prima na znanje preporuke saveznog krovnog udruženja IGBD e.V. i Regionalnog vijeća državnog udruženja. Time se ne smije ugroziti samostalnost džemata.

Član 12. Razrješenje članova Džematskog odbora

12.1 Imenovanje u Džematski odbor kao člana Džematskog odbora može se opozvati u bilo kojem trenutku iz važnih razloga.

12.2 Važnim razlogom za razrješenje smatra se, naprimjer, gruba povreda obaveza ili nemogućnost pravilnog vođenja poslova, kao i nekolegijalno ponašanje prema članovima Džematskog odbora i zaobilaženje demokratskih principa.

12.3 Razrješenje Džematskog odbora ili članova Džematskog odbora provodi organ džemata koji je nadležan za imenovanje Džematskog odbora. To je Džematska skupština.

12.4 Nadzorni odbor (član 15) također može iz Džematskog odbora privremeno isključiti pojedinačne članove Džematskog odbora do sljedeće Džematske skupštine.

12.5 Za privremeno razrješenje pojedinih članova Džematskog odbora od strane Nadzornog odbora potreban je pisani podnesak koji obrazlaže razloge za privremeno razrješenje, o kojem Džematski odbor odlučuje većinom glasova i upućuje ga Nadzornom odboru kako bi donio odluku o isključenju pojedinih članova.

Član 13. Revizori

13.1 Džematska skupština bira tri revizora. Mandat traje četiri godine. Nakon isteka mandata, revizori moraju biti ponovo birani.

13.2 Revizori samostalno između sebe određuju predsjednika. Račune polažu samo Džematskoj skupštini.

13.3 Izbor na mjesto revizora koji prijevremeno istupe, bit će izvršen na sljedećoj Džematskoj skupštini za preostali period trajanja prvobitnog mandata. Isto vrijedi i ako svi revizori istupe iz bilo kojeg razloga.

13.4 Revizori provjeravaju računovodstvo džemata. Revizori podnose izvještaj Džematskoj skupštini o obavljenoj reviziji i daju preporuku Džematskoj skupštini za rasterećenje Džematskog odbora.

13.5 Revizori održavaju sjednice u turnusima, čije termine međusobno dogovaraju. Dužni su da održe najmanje jednu sjednicu u jednom kvartalu u godini. Nakon svake sjednice oni podnose izvještaj Džematskom odboru, a jednom godišnje Džematskoj skupštini. Detalje uređuje Poslovnik o radu revizora.

13.6 Revizori ne smiju vršiti nijednu drugu funkciju u organima u skladu sa članom 11, članom 14. i članom 16. Statuta.

Član 14. Nadzorni odbor

14.1 Nadzorni odbor se sastoji od pet članova. Iste bira Džematska skupština na period od pet godina.

14.2 Džematski odbor predlaže Džematskoj skupštini listu kandidata za Nadzorni odbor. Džematska skupština prihvata prijedloge ili dodaje nove kandidate. Sve izabrane osobe su među sobom jednake.

14.3 U Nadzorni odbor mogu biti birani samo članovi koji su bili angažovani u Džematskom odboru i nisu izabrani ni u jedan drugi organ džemata.

14.4 Iz članstva u Nadzornom odboru isključeni su članovi Džematskog odbora i imam. Ovdje također vrijedi načelo pristrasnosti u skladu sa propisom iz stava 11.18 i 11.19.

14.5 Nadzorni odbor između sebe bira predsjednika i zapisničara. Članovi Nadzornog odbora koji prijevremeno istupe bit će zamijenjeni putem izbora na sljedećoj Džematskoj skupštini za preostali period trajanja prvobitnog mandata. Isto vrijedi i ako svi članovi Nadzornog odbora istupe iz bilo kojeg razloga.

Ako se kod člana koji istupi radi o predsjedniku ili zapisničaru, preostali članovi biraju novog predsjednika i novog zapisničara među preostalim članovima.

14.6 Članovi Nadzornog odbora u vanjskim odnosima nastupaju jedinstveno, s jedinstvenim i usklađenim stajalištima. Osnova za to je omjer većine u organu.

Član 15. Zadaci i prava Nadzornog odbora

15.1 Nadzorni odbor se brine za operativnu kontrolu rada Džematskog odbora tako što provjerava provedbe dogovorenih odluka Džematskog odbora, Džematske skupštine te tromjesečnih planiranih/stvarnih uporedbi mjera koje proizilaze iz donesenih odluka relevantnih organa džemata.

15.2 Nadzorni odbor je kontrolni i savjetodavni organ Džematskog odbora u svakom pogledu, a posebno kada se radi o prijedlozima Džematskim skupštinama o izradi ekonomskog plana ili nove verzije strateškog usmjerenja džemata.

15.3 Džematska skupština konačno glasa o rezultatima rasprava i odluka između Džematskog i Nadzornog odbora, ukoliko isti sadrže stratešku novu verziju.

15.4 Ako Nadzorni odbor utvrdi nepremostive razlike među članovima Džematskog odbora koje onemogućuju razumno vođenje džemata ili odstupanje Džematskog odbora od Agende udruženja koju je utvrdila Džematska skupština, on može u primjerenom roku pozvati Džematski odbor u cijelosti ili pojedinačne članove Džematskog odbora na sjednicu. Oni su dužni da se odazovu pozivu.

15.5 Predsjednik Nadzornog odbora vodi sjednicu, a zapisničar Nadzornog odbora vodi zapisnike o održanim sjednicama Nadzornog i Džematskog odbora ili članova Džematskog odbora.

15.6 Nadzorni odbor ima pravo da predlaže tačke dnevnog reda svake Džematske skupštine. Osim toga, Nadzorni odbor je ovlašten da daje upute Džematskom odboru za sazivanje vanredne Džematske skupštine. Do ovog postupka dolazi samo u slučaju nepremostivih razlika među članovima Džematskog odbora, koje onemogućuju razumno vođenje džemata ili u slučaju odstupanja Džematskog odbora od Agende udruženja koju je utvrdila Džematska skupština.

15.7 Za značajna odstupanja od podnesenog ekonomskog plana za jednu godinu potrebna je saglasnost Nadzornog odbora.

15.8 Nadzorni odbor donosi odluke o svim pravilnicima koji podliježu klasi zaštite 1 (vidi stav 23.6).

15.9 Nadzorni odbor je ovlašten da donosi odluke o razrješenju iz Džematskog odbora većinom glasova, nakon što mu Džematski odbor dostavi nacrt za to. Razrješenje pojedinih članova Džematskog odbora iz organa od strane Nadzornog odbora vrijedi do sljedeće redovne ili vanredne Džematske skupštine.

15.10 Član 15. ne utiče na obaveze i prava Džematskog odbora, odnosno članova Džematskog odbora koji proizilaze iz Zakona o udruženjima i Građanskog zakonika.

Član 16. Vijeće za povjerenje

16.1 Džematska skupština bira Vijeće za povjerenje. Mandat traje pet godina.

16.2 Vijeće za povjerenje se sastoji od sedam osoba sa jednakim pravima. Vijeće za povjerenje odražava sastav džemata. Za pozicije članova koji prijevremeno istupe bit će izvršen izbor na sljedećoj

Džematskoj skupštini za preostali period trajanja mandata. Isto vrijedi i ako svi članovi Vijeća za povjerenje istupe iz bilo kojeg razloga.

16.3 Uvjet za izbor u Vijeće za povjerenje je trajanje članstva duže od pet godina.

16.4 Džematski odbor predlaže osobe za Vijeće za povjerenje. Džematska skupština odlučuje o prijedlozima ili daje prijedloge za izbor iz reda svojih članova. Kandidati se trebaju odlikovati posebnom predanošću životu džemata i imati besprijekoran karakter.

16.5 Vijeće za povjerenje je savjetodavni organ. Njega treba konsultovati Džematski odbor u slučaju posebnih poslova. Isto se naročito treba izjasniti o kupovini i prodaji džematskih objekata i u slučaju pojedinačnih investicija iznad 30.000 eura.

16.6 Na zahtjev Džematskog odbora, Vijeće za povjerenje djeluje rješavački, savjetodavno ili posrednički u slučaju pitanja koja Džematski odbor stavljaju pred nepremostive prepreke. Vijeće za povjerenje nije ovlašteno da i samo postane aktivno.

16.7 Na zahtjev Džematskog odbora, Vijeće za povjerenje vrši funkciju posrednika i rješavača ako dođe do nepremostivih razlika između različitih organa džemata ili među članovima džemata.

16.8 Vijeće za povjerenje je nepristrasni organ i mora djelovati neutralno i samo u interesu džemata. Članovi Vijeća za povjerenje ne mogu pripadati nijednom drugom organu džemata, osim Džematskoj skupštini.

16.9 Članovi Vijeća za povjerenje u vanjskim odnosima nastupaju jedinstveno, s jedinstvenim i usklađenim stajalištima. Osnova za to je omjer većine u organu.

Član 17. Članstva džemata

17.1 Džemat se priključuje udruženju „Islamska zajednica Bošnjaka u Njemačkoj – Centralno vijeće e.V.“. Savezno udruženje zastupa interese džemata i njegovog članstva na saveznom nivou. Preambula ovog Statuta može se mijenjati samo uz saglasnost saveznog udruženja „Islamska zajednica Bošnjaka u Njemačkoj – Centralno vijeće e. V.“.

17.2 Džemat je na državnom, odnosno regionalnom nivou dio Regionalnog vijeća Baden-Württemberg saveznog krovnog udruženja.

Regionalno vijeće, odnosno državno udruženje zastupa interese džemata i njegovog članstva na državnom, odnosno regionalnom nivou.

17.3 Akcije prikupljanja donacija od strane krovnog udruženja i projekte od šireg interesa za džemat potrebno je provoditi i podržati koliko god je to moguće, ukoliko tome ne stoje na putu bitni razlozi unutar džemata.

17.4 Džemat plaća godišnju članarinu saveznom/državnom udruženju IGBD e.V.

Član 18. Imam

18.1 Imam je član Džematskog odbora po položaju.

U principu, imam se imenuje dekretom reisu-l-uleme Islamske zajednice u Bosni i Hercegovini i potvrdom o imenovanju vjerskog poglavara saveznog udruženja. Time stiče sposobnost da obavlja svoju funkciju unutar džemata, odnosno da bude primljen u radni odnos u džematu.

18.2 Imam je kontakt osoba u vezi sa vjerskim normama u svim pitanjima unutar džemata i snosi odgovornost za osmišljavanje i provedbu vjerskih sadržaja džematskog rada. On vodi vjerske matične knjige džemata i zastupa interese džemata i njegovog članstva u pitanjima vjere.

18.3 Detalje reguliše Pravilnik o radu imama koji je izradio Džematski odbor, a koji je izrađen na osnovu predloška krovnog udruženja IGBD i koji je Džematski odbor prihvatio većinom glasova.

18.4 Imam podnosi godišnji izvještaj Džematskoj skupštini o pitanjima svojih nadležnosti. On sačinjava planove za budući džematski rad po pitanju vjerskih poslova.

Član 19. Religijsko vijeće

19.1 Religijsko vijeće saveznog udruženja savjetuje džemat o vjerskim pitanjima. Savjetovanje ima karakter preporuke za pojedine članove i džemat.

19.2 Ako nakon detaljne provjere džemata, Religijsko vijeće utvrdi da se promicanje vjere, odnosno obrazovanja kroz aktivnosti džemata ne vrši u dovoljnoj mjeri u željenoj mjeri od strane Džematskog odbora, Religijsko

vijeće može Džematskom i Nadzornom odboru dati odgovarajuće preporuke za djelovanje i prijedloge za poboljšanje.

Član 20. Imovina džemata

20.1 Imovina džemata smatra se vakufom – općekorisnom imovinom prema islamskom pravu – i uključuje nepokretnu imovinu (nekretnine), pokretnu imovinu, prava vlasništva, finansije i drugu imovinu.

20.2 Vrste imovine navedene u stavu 20.1 nazivaju se vakufom. One služe džematu za ispunjenje njegovih statutarnih ciljeva.

20.3 Vakuf se ne može koristiti niti upotrebljavati u bilo koju drugu svrhu. O vakufu se mora voditi odgovarajuća evidencija, ukoliko to već nije regulisano zakonskim normama.

20.4 Finansijski izvori džemata su članarina, donacije i prihodi od vakufa.

20.5 Džemat ima pravo da kupuje, unajmljuje ili iznajmljuje nekretnine u okviru svojih ciljeva. Za kupovinu nekretnina potrebna je ili odgovarajuća zajednička odluka Vijeća za povjerenje i Nadzornog odbora ili odluka Džematske skupštine kvalifikovanom većinom na kojoj tri četvrtine prisutnih članova donosi odgovarajuću odluku.

20.6 Prodaja džematskih objekata može se vršiti samo pod pretpostavkom da će se time finansirati kupovina drugih objekata i da će džemat dobiti dodatni profit. Za prodaju nekretnina potrebna je odluka Džematske skupštine kvalifikovanom većinom na kojoj tri četvrtine prisutnih članova donosi odgovarajuću odluku. Krovno udruženje „Islamska zajednica Bošnjaka u Njemačkoj – Centralno vijeće e.V.“ mora dati saglasnost za prodaju džematskih objekata.

20.7 Nekretnine moraju biti upisane i vođene u centralnom registru pri saveznom udruženju „Islamska zajednica Bošnjaka u Njemačkoj – Centralno vijeće e.V.“.

20.8 Blagajnik i prvi predsjednik su ovlašteni da raspolažu bankovnim računima džemata. Sve ostale promjene i ovlaštenja za raspolaganje za ostale članove Džematskog odbora mora odobriti i protokolisati Džematski odbor.

Član 21. Usluge i naknade

21.1 Sa imamima, domarima i potrebnim stručnim osobljem zasnivaju se radni odnosi.

21.2 Uvjet za zapošljavanje ili pružanje usluga za džemat je dostavljanje uvjerenja o nekažnjavanju izdatog od strane policije.

21.3 Funkcija predsjedavanja udruženjem i djelatnosti članova ostalih organa Džematskog odbora prema članu 13, 14. i 16. se u principu obavljaju na dobrovoljnoj osnovi. Bez obzira na to, Džematska skupština može donijeti odluku da se paušalna i primjerena naknada u okviru člana 3. broj 26a. Zakona o porezu na dohodak isplaćuje istima za njihove aktivnosti u Džematskom odboru, kao i članovima odbora za njihove aktivnosti.

21.4 Svaki član džemata ima pravo na naknadu dokazanih troškova za vlastite izdatke/(pružene) usluge koji su nastali u sklopu aktivnosti za džemat. Pri tome se u principu moraju poštovati porezni zahtjevi u pogledu iznosa i razloga za troškove vožnje i putnih troškova, također ograničeno na aktuelne porezne paušalne i maksimalne iznose. Osim toga, postoji i pravo na naknadu troškova, npr. za telekomunikacijske troškove, poštarinu i ostale iznose/troškove plaćene u interesu džemata. Ukoliko u pojedinačnom slučaju nije drugačije dogovoreno, prava se mogu ostvariti samo u roku od godinu dana od njihovog nastanka. Za Džematski odbor postoji ovlaštenje da odlukom Džematskog odbora detaljno utvrdi Pravilnik o paušalima/naknadama prema iznosu.

Član 22. Uvjeti po pitanju poslovnih knjiga džemata i zaštita podataka

22.1 Džematske knjige (poslovne knjige) se moraju voditi u obliku koji je propisan zakonom.

22.2 Džemat obrađuje lične podatke radi ispunjavanja zadataka i svrhe džemata koji su definisani u ovom Statutu. Svaka druga upotreba podataka je nedozvoljena.

22.3 Svaki član ima pravo na:

- informaciju o vlastitim pohranjenim podacima

- ispravak vlastitih pohranjenih podataka u slučaju netačnosti
- blokiranje vlastitih podataka
- brisanje vlastitih podataka, ukoliko to nije u suprotnosti sa zakonskim zahtjevima

Član 23. Izmjene Statuta i pravilnika

23.1 Izmjene Statuta su isključiva odgovornost Džematske skupštine.

23.2 Sljedeći članovi ovog Statuta mogu se mijenjati samo uz saglasnost saveznog udruženja „Islamska zajednica Bošnjaka u Njemačkoj – Centralno vijeće e.V.“: Član 2. Ciljevi i svrha džemata, Član 3. Općedruštvena korist i Član 24. Likvidacija džemata.

23.3 Prijedloge za izmjene Statuta, odnosno pravilnika može podnijeti Džematski odbor, najmanje četvrtina redovnih članova ili savezno udruženje „IGBD“.

23.4 Odluke o izmjenama Statuta, odnosno pravilnika donosi Džematska skupština tajnim glasanjem, dvotrećinskom većinom prisutnih članova. Nevažeci, odnosno suzdržani glasovi se ne računaju.

23.5 Jedino i isključivo zakonski propisi imaju prednost pred Statutom ili donesenim pravilnicima.

23.6 Pravilnici koje donesu organi džemata podliježu dvjema različitim klasama zaštite:

1. Klasa zaštite

Džematski odbor može promijeniti pravilnike ove klase zaštite nakon konsultacija sa Nadzornim odborom. Tu spadaju: Pravilnik o izborima, Pravilnik o skupštini, Pravilnik o radu i Kućni red. Nakon konsultacija sa Nadzornim odborom, Džematski odbor može u ovu klasu zaštite uvrstiti i druge pravilnike koji ne pripadaju nekoj drugoj klasi zaštite. Džematski odbor također može ponovo ukloniti ove pravilnike iz klase zaštite nakon konsultacija sa Nadzornim odborom.

2. Klasa zaštite

Izmjene pravilnika ove klase zaštite može izvršiti samo Džematska skupština i to većinskom odlukom. Tu spadaju: Pravilnik o članarinama i Agenda udruženja. Nakon konsultacija sa Nadzornim odborom, Džematski odbor može u ovu klasu zaštite uvrstiti i druge pravilnike koji ne pripadaju nekoj drugoj klasi zaštite. Džematski odbor također može ponovo ukloniti ove pravilnike iz klase zaštite.

Član 24. Likvidacija džemata

24.1 Odluka o likvidaciji džemata može se donijeti na redovnoj ili vanrednoj Džematskoj skupštini uz saglasnost svih redovnih članova, koja je utvrđena u ovom Statutu. Za likvidaciju džemata ili promjenu svrhe udruženja potrebna je saglasnost svih članova. Saglasnost članova koji nisu pristupili Džematskoj skupštini mora biti data u pisanom obliku. Poštivanje pisanog oblika po ovom pitanju ne može se osigurati telekomunikacijskim putem.

24.2 Ako Džematska skupština donese odluku o likvidaciji džemata, prvi predsjednik i blagajnik preuzimaju dužnost likvidatora u slučaju da Džematska skupština ne odluči drugačije. Za donošenje odluka likvidatora potrebna je jednoglasnost. Prava i obaveze likvidatora utvrđena su odredbama Građanskog zakonika.

24.3 U slučaju likvidacije džemata ili trajnog gubitka porezno povlaštenih svrha, imovina džemata navedena u članu 20. u cijelosti prelazi na savezno udruženje „Islamska zajednica Bošnjaka u Njemačkoj - Centralno vijeće e.V.“, koje je mora koristiti direktno i isključivo u dobrotvorne svrhe.

Član 25. Završne odredbe

25.1 Jezici džemata su njemački i bosanski.

25.2 Džematski odbor može donijeti odluku o formalnim izmjenama Statuta koje su potrebne iz poreznih razloga ili radi omogućavanja upisa u registar udruženja.

25.3 Džematski odbor se brine za izradu pravilnika koji su mogući u okviru Statuta. Isti se čuvaju u evidenciji i na zahtjev se predaju svim članovima džemata na uvid.

25.4 Ako nije određeno drugačije, za održavanje sjednice u svim organima u džematu potrebna je natpolovična većina članova. Odluke se donose prostom većinom glasova.

25.5 Za slučaj da su dijelovi odredaba sadržanih u ovom Statutu nevaljani, preostali dio Statuta ostaje na snazi.

Član 26. Stupanje na snagu Statuta

26.1 Gore navedena verzija Statuta se sastoji od 26 članova. Ista je usvojena na vanrednoj Džematskoj skupštini dana 20.11.2022. godine i od tada je na snazi.